

Što su:

1. Fadil Novalić, Fahrudin Solak, Fikret Hodžić, „F.H. Srebrena malina“ d.o.o. Srebrenica

U vremenskom periodu od 16.03.2020. godine do 14.04.2020. godine, u Bosni i Hercegovini (Federaciji Bosne i Hercegovine i Republici Srpskoj), Crnoj Gori, Narodnoj Republici Kini i Velikoj Britaniji, nakon održane 214. tematske sjednice Vlade Federacije Bosne i Hercegovine (u daljem tekstu FBiH) na kojoj je Odlukom broj: V.broj:408/2020 od 16.03.2020. godine („Službene novine FBiH“, broj: 21/20) proglašeno stanje nesreće uzrokovano pojavom „Koronavirusa“ na području FBiH, te doneseni Zaključci broj: V.broj:410/2020, **Fadil Novalić** u svojstvu službenog lica, i to imenovanog funkcionera u organima izvršne vlasti FBiH u skladu sa čl. 2. st. (3) („Službene novine FBiH“, broj: 36/03, 21/04, 69/04, 18/05, 42/10, 42/11, 59/14, 76/14, 46/16 i 75/17, u daljem tekstu KZ FBiH), kao premijer FBiH koji je imenovana na tu funkciju, a koje imenovanje je Predstavnički dom Parlamenta FBiH potvrdio dana 31.03.2015.godine, po saznanju da će se akumulirana sredstva posebne naknade za zaštitu od prirodnih i drugih nesreća iz Budžeta FBiH izdvojiti u svrhu nabavke materijala i opreme u uslovima pogoršane epidemiološke situacije, među kojima i medicinske opreme i sredstava, a koja sredstva su na dan 01.01.2020.godine iznosila 23.442.712,00 KM, u cilju učinjenja krivičnih djela udružio lica (u daljem tekstu Udruženje) u smislu člana 1. stav (17) Krivičnog zakona Bosne i Hercegovine (u daljem tekstu BiH), i to **Fahrudina Solaka** u svojstvu službenog lica, i to imenovanog funkcionera u organima izvršne vlasti FBiH u skladu sa čl. 2. st. (3) KZ FBiH, kao direktor Federalne uprave civilne zaštite (u daljem tekstu FUCZ) koji je na tu funkciju postavljen Odlukom Vlade FBiH, V. Broj: 1672/2014 od 10.09.2014.godine, a koji je na osnovu čl. 5. Uredbe o Federalnom štabu civilne zaštite („Službene novine F BiH“, broj: 54/03, 38/06, 74/07 i 63/11) po funkciji i načelnik Federalnog štaba civilne zaštite (u daljem tekstu FŠCZ), **Fikreta Hodžića** u svojstvu odgovornog lica u skladu sa čl. 123. st. (1) tč. 6) Krivičnog zakonika Republike Srpske („Službeni glasnik Republike Srpske“, broj: 64/17 i 104/18) po rješenju o registraciji Okružnog privrednog suda u Bijeljini, broj: 059-0-Reg-15-000810 od 26.10.2015.godine i pravno lice „**F.H. Srebrena malina**“ d.o.o. Srebrenica - **Republika Srpska** koje je registrovano Rješenjem o registraciji Okružnog privrednog suda u Bijeljini, broj: 059-0-Reg-15-000810 od 26.10.2015.godine, čija je osnovna djelatnost „ostala prerada i konzervisanje voća i povrća“ (10.39 Klasifikacije djelatnosti), te su koristeći okolnosti proglašenja pandemije „Koronavirus“, koja je od strane Svjetske zdravstvene organizacije proglašena na globalnom nivou, u vremenskom periodu do 03.04.2020. godine s ciljem pribavljanja protivpravne imovinske koristi osmislili plan (u daljem tekstu

Plan) kojim bi protivpravnim radnjama u postupcima nabavke materijala i opreme u uslovima pogoršane epidemiološke situacije omogućili da se novac iz Budžeta FBiH stavi na raspolaganje FUCZ, a potom po osnovu zaključenja kupoprodajnih ugovora FUCZ sa pravnim licem „F.H. Srebrena malina“ d.o.o. Srebrenica, avansnim uplatama prebaci na račun ovog pravnog lica, koji Plan su precizirali u periodu do 14.04.2020.godine kako bi se izmjenom predmeta ugovora uz pribavljene krivotvorene profakture i fakture sa izraženim uvećanim cijenama robe u odnosu na stvarnu tržišnu vrijednost iste, uz prethodno sačinjavanje i upotrebu lažnih službenih isprava, inostranim uplatama transferisao na račune dobavljača iz N.R. Kine, nakon čega bi uništavanjem službenih isprava prikrili raniji predmet ugovora, a zatim tako pribavljenu korist u njima poznatim iznosima podijelili između sebe, a koji plan su međusobno povezani opisanim svojstvima, u posrednim i neposrednim komunikacijama, u stvaranju uslova za realizaciju istog razradili podjelama uloga pri izvršenju krivičnih djela svakog od pripadnika Udruženja, i to na način da bi **Fadil Novalić** kao premijer FBiH, koji rukovodi radom Vlade i odgovara za njen rad, kako je propisano članom 9. Zakona o Vladi FBiH („Službene novine FBiH“, broj:1/94), saziva sjednice Vlade i potpisuje akte Vlade kako je to propisano čl. 8. i 9. Poslovnika o radu Vlade FBiH („Službene novine F BiH“, broj: 6/10, 37/10, 62/10), te supotpisuje odluke o platnim transakcijama putem računa kako je to propisano čl. 40. st. (3) Zakona o izvršavanju budžeta FBiH za 2020. godine („Službeni glasnik FBiH“, broj: 99/19), iskoristio službeni položaj kako bi se u donošenju odluka o nabavci materijala i opreme dodatno proširila ovlaštenja pripadnika **Fahrudina Solaka** u funkciji načelnika FŠCZ, a potom opisana sredstva iz Budžeta stavila na raspolaganje ovom pripadniku u funkciji direktora FUCZ, te prekoračio granice ovlaštenja premijera FBiH kako bi se posao nabavke opreme i sredstava dodijelio pravnom licu „F.H. Srebrena malina“ d.o.o. Srebrenica, te kako bi pravno lice „F.H. Srebrena malina“ d.o.o. Srebrenica ispunilo formalne uslove za nabavku medicinske opreme i sredstava; **Fahrudin Solak** kao direktor FUCZ sa ovlaštenjima da rukovodi radom FUCZ kako je to propisano odredbom čl. 60. u vezi sa čl. 56. i 57. Zakona o organizaciji organa uprave u FBiH („Službene novine FBiH“, broj: 35/05) i naredbodavca za korištenje svih sredstava Uprave, kako je propisano članom 24. i 25. Pravilnika o unutrašnjoj organizaciji FUCZ („Službene novine FBiH“, broj: 35/05), te da u skladu sa čl. xv nadzire Odluku o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine FBiH“, broj: 4/12, 80/13 i 20/20), istovremeno kao načelnik FŠCZ sa ovlaštenjima da zahtjeva sazivanje i obavezno održavanje sjednica i telefonskih sjednica FŠCZ, te da priprema i dostavlja materijale sazvanih sjednica, a sve kako je to propisano Uredbom o izmjeni Uredbe o FŠCZ V.broj: 457/2020 od 25.03.2020.godine, koja je donesena u cilju realizacije plana, te čl. 6. Poslovnika o radu FŠCZ, broj: 11-49/1-483-3/2011 od 26.10.2011.

godine i Poslovnika o izmjenama i dopunama Poslovnika o radu FŠCZ, broj: 12-02/10-542-4/17 od 04.10.2017. godine, kao načelnik FŠCZ iskoristio službeni položaj u pribavljanju odluke kojom se odobrava FUCZ da vrši nabavke materijala i opreme u uslovima pogoršane epidemiološke situacije u ukupnim iznosima srazmjerno opisanoj namjeni i postignutom dogovoru Udruženja, nakon čega bi iskoristio položaj direktora FUCZ i na osnovu usvojenih odluka o nabavci materijala i opreme sačinio odluke o izuzeću od primjene Zakona o javnim nabavkama („Službeni glasnik Bosne i Hercegovine“ broj: 39/14, u daljem tekstu ZJN BiH), te zaključio ugovore sa pripadnikom Udruženja pravnim licem „F.H. Srebrena malina“ d.o.o. Srebrenica, bez primjene postupka javnih nabavki propisanog ZJN BiH, dok bi **Fikret Hodžić** kao odgovorno lice u pravnom licu „F.H. Srebrena malina“ d.o.o. Srebrenica, i kao jedini član Uprave ovog pravnog lica, koristeći ovo pravno lice, lažnim prikazivanjem i prikrivanjem činjenica neistinito prikazao da ono ispunjava uslove za zaključenje ugovora, nabavku i uvoz medicinskih sredstava u skladu sa Zakonom o lijekovima i medicinskim sredstvima („Službeni glasnik Bosne i Hercegovine“ broj: 58/08, u daljem tekstu ZLMS), nakon čega bi prethodno obezbijedeni novac u vrijednosti zaključenog ugovora, radi prikrivanja načina izvršenja ovih krivičnih djela, po osnovu pribavljenih krivotvorenih profaktura i faktura sa uvećanim iznosima vrijednosti robe koja se nabavlja putem pravnog lica „F.H. Srebrena malina“ uplatio na račun posredničkog pravnog lica u N.R. Kini, a preostali iznos vrijednosti zadržao na računu pravnog lica „F.H. Srebrena malina“ kao jedinu navodnu dobit od zaključenog pravnog posla, što bi im omogućilo sticanje protivpravne imovinske koristi u njima poznatim iznosima, a koja korist bi bila podijeljena između pripadnika Udruženja po realizaciji planiranog, pri tome pristajući da roba kao predmet ugovaranja ne služi svrsi nabavke.

2. Fadil Novalić, Fahrudin Solak, Fikret Hodžić, „F.H. Srebrena malina“ d.o.o. Srebrenica

U vremenskom periodu od 24.03.2020.godine do 14.07.2020.godine, u svojstvima opisanim tačkom 1. ove Optužnice, te ulogama u sastavu Udruženja, učestvovali u realizaciji Plana opisanoj tačkom 1. ove Optužnice, na način da su:

2.1.

Svjescni da je tačkom 6. Zaključka Vlade broj: V.broj: 410/2020 od 16.03.2020. godine data saglasnost isključivo zdravstvenim ustanovama da u skladu sa članom 10. ZJN mogu hitno provesti postupak javnih nabavki medicinskih sredstava i dr., te

znajući da FUCZ nije zdravstvena ustanova koja u skladu sa odredbom čl. 79. Zakona o zdravstvenoj zaštiti („Službene novine FBiH“, broj: 46/10 i 75/13) ima organ koji osigurava provedbu javnih nabavki lijekova i medicinskih sredstava, niti je u skladu sa članom 109. ZLMS, te člana 77. Pravilnika o medicinskim sredstvima („Službeni glasnik BiH“, broj: 4/10) može biti ugovorni organ u postupku javne nabavke medicinske opreme i sredstava, kao i da će se shodno Planu posao javne nabavke zaključenjem direktnog sporazuma, protivno odredbama ZJN dodijeliti pravnom licu „F.H. Srebrena malina“ d.o.o. Srebrenica, koje nije upisano u registar veleprometnika medicinskim sredstvima, **Fadil Novalić** iskoristivši ovlaštenja premijera FBiH, u namjeri da se pripadniku Udruženja Fahrudinu Solaku prošire ovlaštenja koja bi koristio u ostvarenju Plana, zakazao hitnu sjednicu Vlade FBiH za dan 24.03.2020.godine na kojoj je, a po prijedlogu direktora FUCZ, stavio na glasanje, a zatim se i saglasio sa Uredbom o izmjenama i dopunama Uredbe o FŠCZ, broj: Vbroj 457/2020 od 25.03.2020.godine, kojom je promjenjen sastav FŠCZ, te proširenja ovlaštenja načelnika FŠCZ, nakon čega je u vremenskom periodu do 01.04.2020. godine, iako je znao da Vlada FBiH nije donijela odluku o pokretanju postupka javne nabavke medicinskih sredstava, prekoračivši granice svog ovlaštenja stupio u kontakte sa pripadnikom Udruženja Fikretom Hodžićem kao odgovornim licem u pravnom licu „F.H. Srebrena malina“ d.o.o. Srebrenica, te dogovarao predmet i cijenu ugovornog odnosa iz Plana, da bi po postignutom dogovoru o predmetu ugovora – respirator model HC VE003 u količini od 100 komada i kupoprodajnoj cijeni od 10.530.000,00 KM, a koja je formirana po osnovu ponude pravnog lica EXOTRADE d.o.o. Rijeka, Hrvatska u kojoj je ponuđena prodaja ovih respiratora za iznos novca od 3.900.000,00 EUR, pripadniku Udruženja Fahrudinu Solaku dao uputu da koristeći ovlaštenja direktora FUCZ pripremi odluku kojom će se odobriti FUCZ nabavka materijala i opreme iz sredstava posebne naknade za zaštitu od prirodnih nesreća u ukupnom iznosu od 7.000.000,00 KM, što je **Fahrudin Solak** dana 01.04.2020.godine, iskoristivši ovlaštenja direktora FUCZ i učinio, te je koristeći za tu svrhu proširena, kao i prethodno postojeća ovlaštenja načelnika FŠCZ zahtijevao obavezno telefonsko sazivanje sjednice FŠCZ, te za sjednicu u svojstvu direktora FUCZ pripremio prijedlog odluke o nabavci materijala i opreme u iznosu od 7.000.000,00 KM, broj: 12-40-6-148-90/20 od 01.04.2020.godine, koja nije u skladu sa Odlukom o uslovima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća („Službene novine FBiH“, broj: 4/12, 80/13 i 20/20) i Planu korištenja sredstava posebne naknade za zaštitu od prirodnih i drugih nesreća u 2020.godini FUCZ broj: 01-11-14-100/20 od 24.02.2020. i 05.03.2020.godine, te druge materijale za sjednicu, iz kojih nije vidljiv predmet nabavke, svjesno prikrivši podatke o predmetu nabavke, a zatim se na sjednici FŠCZ saglasio sa donošenjem ove Odluke i u ime komandanta FŠCZ istu svojeručno potpisao, da bi potom **Fadil**

Novalić u obezbjeđenju dogovorenog predmeta ugovora i visine novčanih sredstava za dogovorenu kupovinu medicinskih sredstva – respiratora, iskoristivši ovlaštenja premijera, u ime Vlade FBiH potpisao tzv. „pismo namjere“ za kupovinom 100 komada respiratora HC VE003, broj 01-02-323/20 od 02.04.2020.godine, te istoga dana sazvao hitnu sjednicu Vlade FBiH na kojoj je s njegovom saglasnošću donesena Odluka o odobravanju izdvajanja sredstava iz tekuće rezerve Vlade FBiH, broj: V.broj:486/2020, kojom se FUCZ odobrava izdvajanje sredstava u iznosu od 4.950.000,00 KM, te Odluku o davanju prethodne saglasnosti FŠCZ za nabavku materijala i opreme u uslovima pogoršane epidemiološke situacije, broj: V.broj:487/2020, kojom se daje prethodna saglasnost FŠCZ za nabavku materijala i opreme u uslovima pogoršane epidemiološke situacije iz sredstava posebne naknade u ukupnom iznosu od 7.000.000,00 KM, na osnovu kojih odluka su u realizaciji Plana obezbjeđena dostatna sredstva FUCZ, odnosno pripadniku Udruženja Fahrudinu Solaku za zaključenje ugovora s pripadnikom Udruženja pravnim licem „F.H. Srebrna malina“ d.o.o. Srebrenica, odnosno sa pripadnikom Udruženja Fikretom Hodžićem, da bi istog dana **Fikret Hodžić** po dogovoru sa drugim pripadnicima Udruženja sačinio i dostavio ponudu pravnog lica „F.H. Srebrna malina“ d.o.o. Srebrenica, broj:7737/2020 za prodaju 100 komada respiratora HC-VE003 za iznos od 10.530.000,00 KM, a potom **Fahrudin Solak** istog dana, iskoristivši ovlaštenja direktora, po osnovu dostavljane ponude odobrio i potpisao Obrazce 2 (unos faktura) broj:07-11-1-28-29/20 i broj:07-11-1-28-236/20 od 02.04.2020. godine, sa nalogom za unos fakture dobavljača „F.H. Srebrna malina“ d.o.o. Srebrenica u ISFU trezorsku aplikaciju na iznose 4.950.000,00 KM i 5.800.000,00 KM, a da prethodno nije zaključen kupoprodajni ugovor, niti je od strane pravnog lica „F.H. Srebrna malina“ d.o.o. Srebrenica dostavljena vjerodostojna knjigovodstvena isprava - faktura ili profaktura kojom dokazuje obavezu plaćanja kako je to propisano čl. 56. st. (2) Zakona o budžetima u Federaciji BiH („Službene novine FBiH“, broj: 102/13), nakon čega je dana 03.04.2020.godine, iskoristivši ovlaštenja direktora FUCZ kao ugovornog organa ove nabavke, suprotno odredbama člana 10. Zakona o javnim nabavkama („Službeni glasnik Bosne i Hercegovine“ broj: 39/2014) i Saopštenju Agencije za javne nabavke broj:02-1-489-1/20 od 17.03.2020. godine, bez obrazloženja opravdanosti primjene ovog člana donio Odluku o izuzeću od primjene ZJN, broj: 07-11-13-176/20 od 03.04.2020.godine, te s pravnim licem „F.H. Srebrna malina“ d.o.o. Srebrenica kojeg je zastupao **Fikret Hodžić** potpisao ugovor o kupoprodaji roba broj 6626/2020, čiji je predmet kupoprodaja robe - respirator invazivi „HC VE003“ (100 komada), za ukupni iznos cijene od 10.530.000,00 KM, dok je **Fadil Novalić** iskoristivši ovlaštenja premijera FBiH, zajedno sa dopremijerom FBiH, dana 03.04.2020.godine potpisao prethodno pripremljene naloge za isplatu, što je bio osnov da se računa iz Bužeta FBiH na račun pravnog lica „F.H. Srebrna malina“

otvorenog u Privrednoj banci Sarajevo, broj: 1011040072341034, izvrši transfer novca u ukupnom iznosu od 10.530.00,00 KM, što je i učinjeno 03.04.2020. godine, na način da je sa računa tekuće rezerve transferisano 4.950.000,00 KM, a sa posebnog transakcijskog računa sredstava za zaštitu i spašavanje 5.580.000,00 KM, sve na osnovu odluka FŠCZ i Vlade FBiH koje su donesene prethodno opisanim radnjama zloupotrebe položaja pripadnika Udruženja Fadila Novalića i Fahrudina Solaka;

2.2.

Znajući da je Ugovorom broj: 6626/20 od 03.04.2020.godine ugovorena nabavka 100 komada respiratora HC-VE003 za iznos kupoprodajne cijene od 10.530.000,00 KM, po transferu novca u ovom iznosu na račun pravnog lica „F.H. Srebrena malina“ d.o.o. Srebrenica, kako je opisano pod 2.1., **Fikret Hodžić** u svojstvu odgovornog lica u pravnom licu „F.H. Srebrena malina“ d.o.o. Srebrenica, djelujući kao pripadnik Udruženja, znajući da u vrijeme izdavanja Ponude br.7737/2020 od 02.04.2020. godine i zaključenja Ugovora broj: 6626/2020 od 03.04.2020. godine, kao prodavac nije imao na raspolaganju predmet ugovora – respiratore HC-VE003, niti je imao ugovorene pravne poslove koji obezbijavaju isporuku ugovorene robe, u potrebi obezbjeđenja predmeta Ugovora stupio u poslovne kontakte sa S.L., odgovornim licem u pravnom licu BTL Medical Montenegro d.o.o. Podgorica, koja mu je ponudila da u cilju nabavke 100 komada respiratora, za što je iz Budžeta FBiH već dobio novac na način opisan pod 2.1. i 2.2., kao krajnji kupac zaključi ugovor sa dobavljačem iz NR Kine, pravnim licem „Shangai Chang Qi Medical Tehnology Centar“ – Shangai, a kojim bi za ranije utvrđenu cijenu za 100 komada respiratora modela HC-VE003 u iznosu od 3.900.000,00 EUR, kupio 100 komada respiratora drugog modela ACM812A, pri tome ga upoznaajući da je stvarna cijena tih respiratora značajno niža, te da će od razlike tako ugovorene cijene respiratora kao kupci ostvariti i dodatnu korist, na šta su pripadnici Udruženja po međusobno ostvarenim kontaktima i pristali, pri tome znajući da je prethodno 200 komada respiratora ACM812A pravno lice Sinofarm d.o.o. Beograd uz posredovanje S.L. platilo isti iznos cijene od 5 miliona EUR, odnosno po dvostruko manjoj cijeni, pa je u skladu sa Planom **Fadil Novalić** iskoristivši ovlaštenja premijera FBiH, iako je ranije potpisao pismo namjere od 02.04.2020.godine za nabavku respiratora modela HC-VE003, u cilju ostvarivanja i dodatne koristi iz Plana, sačinio i potpisao tzv. „pismo namjere“ broj: 01-02-385/20 od 14.04.2020. godine, u čijem sadržaju je unio neistiniti navod da je kao premijer Federacije BiH potpisao kupovinu respiratora tip ACM812A, nakon čega je dana 15.04.2020.godine **Fikret Hodžić** u svojstvu odgovornog lica u pravnom licu „F.H. Srebrna malina“ d.o.o. Srebrnica kao krajnji kupac potpisao Aneks Ugovora broj: 004142020, kojim prodavac „Shangai

Chang Qi Medical Tehnology Centar“ – Shanghai, Narodna Republika Kina, prodaje kupcu BTL Medical d.o.o. Podgorica 100 komada respiratora modela ACM812A, koji nisu predmet zaključenog Ugovora sa FUCZ od 03.04.2020. godine, niti ih je do tada kupcu FUCZ dostavljao kao ponudu, nakon čega je **Fahrudin Solak** u skladu sa postignutim dogovorom Udruženja od 14.04.2020.godine, u periodu od 24.04.2020.godine, prekoračivši ovlaštenja direktora FUCZ naložio S.A., pomoćnici direktora FUCZ, da u svim dokumentima spisa nabavke respiratora izvrši izmjene predmeta ugovora, da umjesto ranije ugovorenog predmeta HC-VE003 unese model ACM812A, pri tome ulažući u spis nabavke specifikaciju modela ACM812A, te da uništi stranice dokumenata i specifikaciju modela respiratora HC-VE003, pri tome je dovodeći u zabludu da se radi o tehničkoj grešci, u šta je ona povjerovala, te isto i učinila, da bi **Fikret Hodžić**, nakon što je dana 15.04.2020.godine putem e-maila od S.L. primio krivotvorenu profakturu za 100 respiratora ACM812A sa uvećanom cijenom respiratora od 3,9 miliona EUR, bez troškova prevoza, koju je S.L. prethodno pribavila od lica S.C. iz Velike Britanije, istog dana izdao nalog banci za izvršenje doznake u inozemstvo, kojim je po osnovu krivotvorene i nepotpisane profakture izdate u protivvrijednosti iznosa prihvaćene uvećane cijene od 3,9 miliona EUR, a koju je istog dana također putem e-maila pribavio od S.L., naložio plaćanje 30.000.000,00 RMB (valuta kineskih jena) u protivvrijednosti od 7.620.300,00 KM, u korist pravnog lica „Shanghai ChangQi Medical Technology Center“, a koje je po osnovu izdatog naloga i realizirano dana 16.04.2020.godine, a u periodu od 03.04.2020.godine do 04.05.2020.godine, kada su rješenjem Suda BiH broj: S1 2 K 035494 20 Krn 2 od 08.05.2020.godine, blokirana sredstva po računu u iznosu 1.096.520,78 KM, u svojstvu odgovornog lica u pravnom licu „**F.H. Srebrena malina**“ d.o.o. **Srebrenica** raspolagao novcem na način da je plaćao uvozne dadžbine i troškove postupka uvoza respiratora, a zatim vršio druga plaćanja i isplate u Bosni i Hercegovini i inostranstvu u ukupnom iznosu od **395.984,64 KM**, od kojeg novca je dana 27.04.2020. godine u opisanoj namjeri raspolaganja podigao u gotovini novac u iznosu od 100.000 KM koji je upotrijebio na njemu poznati način, pa je u cilju prikrivanja ove gotovinske isplate i svrhe korištenja novčanih sredstava dana 05.05.2020. godine izdao nalog V.K., knjigovođi pravnog lica „**F.H. Srebrena malina**“ d.o.o. **Srebrenica**, da sačini odluku o povećanju blagajničkog maksimuma za ovo pravno lice na 120.000 KM, te da odluku datira sa danom 27.04.2020.godine, nakon čega je u cilju daljeg prikrivanja prirode ovih novčanih sredstava naložio V.K. da sačini odluku o raspodjeli ovih novčanih sredstava za navodni otkup malina, što je V.K. i uradila;

2.3.

Znajući da je osnovna djelatnost pravnog lica „F.H. Srebrena malina“ d.o.o. Srebrenica - „ostala prerada i konzervisanje voća i povrća“ (10.39 Klasifikacije djelatnosti), te da ovo pravno lice nije upisao u registar veleprometnika medicinskim sredstvima, što bi prema čl. 77. Pravilnika o medicinskim sredstvima bio uslov za uvoz i promet medicinskih sredstava, Fadil Novalić u cilju realizacije Plana koji se odnosi na pribavljanje koristi Udruženju, nakon što mu je dana 22.04.2020.godine Fikret Hodžić zatražio da ishodi upis pravnog lica „F.H. Srebrena malina“ d.o.o. Srebrenica u registar veleprometnika medicinskih sredstava i izdavanje dozvole za uvoz medicinskih sredstava Agencije za lijekove i medicinska sredstva Bosne i Hercegovine (u daljem tekstu ALMS), koristeći stvarni službeni položaj premijera FBiH, te uticajni politički položaj, H.G. direktoru Ureda Premijera Vlade FBiH naložio da ispred Ureda premijera FBiH i u ime premijera FBiH, u kontaktima sa službenim ili odgovornim licima ALMS ishodi upis ovog pravnog lica u registar veleprometnika medicinskim sredstvima, po kojim uputama je H.G. i postupao, te je putem neposrednih kontakata sa H.A., članom Stručnog vijeća ALMS, dobio kontakt telefon I.F., glavnog inspektora ALMS, pa je H.G. dana 23.04.2020.godine telefonskim putem ostvario neposredni kontakt sa istom, nakon čega je istog dana Fikret Hodžić kao odgovorno lice u pravnom licu „F.H. Srebrena malina“ d.o.o. Srebrenica podnio ALMS zahtjev za upis u registar veleprometnika medicinskim sredstvima broj: 10-07.12-2-3916/20, da bi dana 25.04.2020. godine na Međunarodni aerodrom u Sarajevu bilo dopremljeno ukupno 80 komada respiratora ACM812A, nakon čega je dana 27.04.2020 godine pravno lice „F.H. Srebrena malina“ d.o.o. Srebrenica upisano u registar veleprometnika medicinskim sredstvima, iako nije ispunjavalo uslove propisane odredbom čl. 109. ZLMS, budući da u skladu sa odredbom čl. 109. st. (1) tč. a) nije prije početka bavljenja djelatnošću prometa medicinskih sredstava svoju djelatnost prijavilo ALMS, niti je ispunjavalo ostale uslove propisane čl. 109. st. (1) tč. b), c) i d), a zatim po zahtjevu ovog pravnog lica broj: 07-07.7-2-3981/20 od 27.04.2020.godine istog dana i dobilo saglasnost za hitan uvoz medicinskih sredstava koja nisu upisana u registar medicinskih sredstava BiH, dok je dana 27.05.2020.godine dopremljeno preostalih 20 respiratora modela ACM812A, što je omogućilo pripadnicima Udruženja sticanje protivpravne imovinske koristi u samo njima tačno poznatom iznosu, ali ne manje od iznosa novca koji je blokiran rješenjem Suda BiH, a za Budžet FBiH prouzrokovalo štetu u novčanom iznosu ne manjem od 10.530.00,00 KM, koji je učinjenim krivičnim djelima isplaćen iz Budžeta FBiH, jer kupljena, a potom i isporučena medicinska oprema (100 kom respiratora tipa ACM812A) ne posjeduje ni minimum potrebnih bitnih karakteristika za adekvatan tretman pacijenata srednje i teške kliničke slike zbog oboljenja COVID-19, zbog čega se ne preporučuje njegova primjena u jedinicama intenzivne terapije, odnosno isti nisu namjenjeni upotrebi u invazivnom

liječenju, posebno za bolesnike s COVID-19 koji su u kritičnom stanju i kojima može trebati dugotrajna invazivna i visoko-niska ventilacija.

2.4.

U relaciji Plana opisanog tačkom 1. Optužnice, u vremenskom periodu od 25.03.2020. godine do 25.04.2020. godine, odmah po okončanju radnji opisanih pod 2.1. kojima je promjenjen sastav FŠCZ, te proširena ovlaštenja načelnika FŠCZ, dana 25.03.2020. godine u 21:30 sati, **Fahrudin Solak** kao direktor FUCZ, prekoračivši granice ovlaštenja, bez pokrenutog postupka javne nabavke u skladu sa ZJN u cilju obezbjeđenja osnova za zaključenje ugovora o kupovinu zaštitne opreme, pozvao pripadnika Udruženja **Fikreta Hodžića** da u svojstvu odgovornog lica u pravnom licu „**F.H. Srebrena malina**“ d.o.o. **Srebrenica** dostavi ponudu FUCZ za prodaju zaštitne opreme, što je isti dana 26.03.2020. godine i učinio, te putem e-mail dostavio ponudu broj: 1876/2020, nakon čega su kao pripadnici Udruženja u međusobnim kontaktima utvrđivali cijenu i količinu zaštitne opreme, pa je tako **Fadil Novalić**, iako je znao da Vlada FBiH nije donijela odluku o pokretanju postupka javne nabavke zaštitne opreme, prekoračivši granice ovlaštenja premijera Federacije BiH stupio u kontakte sa pripadnikom Udruženja **Fikretom Hodžićem** kao odgovornim licem u pravnom licu „**F.H. Srebrena malina**“ d.o.o. **Srebrenica**, pa je dana 02.04.2020. godine koristeći se pri tome dijelom službenog dokumenta Zavoda za javno zdravstvo FBiH – „Plana iskazanih potreba za zdravstvene ustanove u FBiH“ koji je usvojen od strane kriznog štaba Ministarstva zdravstva FBiH, naložio B.DŽ., sekretarici u Uredu premijera, da putem e-maila dostavi **Fikretu Hodžiću** „zahtjev – dio ukupnih potreba“, u čijem sadržaju su u tabelarnom prikazu iskazane količine potreba sa pretpostavljenim cijenama shodno raspoloživim sredstvima u Budžetu, te da pripremi ponudu po dostavljenom dijelu dokumenta, što je **Fikret Hodžić** i učinio, pa je istog dana na e-mail Ureda premijera FBiH dostavio ponudu pravnog lica „**F.H. Srebrena malina**“ d.o.o. **Srebrenica**, naslovljenu na kupca Vlada FBiH, broj: 7736/2020 sa iskazanom ukupnom cijenom bez PDV-a u iznosu od 2.900.000,00 KM, koju je formirao na osnovu dostavljenog plana potreba, a koju je dana 03.04.2020. godine po nalogu **Fadila Novalića** H. G. Direktor Ureda premijera FBiH dostavio putem aplikacije viber **Fahrudinu Solaku**, pa su kao pripadnici Udruženja po osnovu prethodno osmišljenog Plana, nakon realizacije opisane nabavke respiratora pod 2.1.-2.3., namjeravali realizovati i ovaj dio Plana, u čemu su spriječeni;

Čime su počinili krivična djela, i to:

Fadil Novalić – pod tačkom 1. počinio krivično djelo „*Udruživanje radi činjenja krivičnih djela*“ iz člana 249. stav (1) KZBiH, u vezi sa krivičnim djelima

„Zloupotreba položaja ili ovlaštenja“ iz člana 383. stav (3) u vezi sa stavom (1) KZFBiH, „Primanje nagrade ili drugog oblika koristi za trgovinu uticajem“ iz člana 219. stav (3) u vezi stava (2) KZBiH, „Pranje novca“ iz člana 209. stav (3) u vezi sa stavom (1) KZBiH, „Krivtvođenje ili uništenje poslovnih ili trgovačkih knjiga ili isprava“ iz čl. 261. st. (2) KZ FBiH, „Krivtvođenje službene isprave“ iz člana 389. stav (2) u vezi stava (1) KZ FBiH i „Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje“ iz čl. 262. st. (2) KZ RS; a pod **tačkom 2.** krivična djela „Zloupotreba položaja ili ovlaštenja“ iz člana 383. stav (3) u vezi sa stavom (1) KZFBiH, „Primanje nagrade ili drugog oblika koristi za trgovinu uticajem“ iz člana 219. stav (3) u vezi stava (2) KZBiH, „Krivtvođenje službene isprave“ iz člana 389. stav (2) u vezi stava (1) KZ FBiH i „Pranje novca“ iz člana 209. stav (3) u vezi sa stavom (1) KZBiH, a sve u vezi sa čl. 53. KZ BiH (sticaj);

Fahrudin Solak – pod **tačkom 1.** počinio krivično djelo „Udruživanje radi činjenja krivičnih djela“ iz člana 249. stav (2) KZBiH, u vezi sa krivičnim djelima „Zloupotreba položaja ili ovlaštenja“ iz člana 383. stav (3) u vezi sa stavom (1) KZFBiH, „Primanje nagrade ili drugog oblika koristi za trgovinu uticajem“ iz člana 219. stav (3) u vezi stava (2) KZBiH, „Pranje novca“ iz člana 209. stav (3) u vezi sa stavom (1) KZBiH, „Krivtvođenje ili uništenje poslovnih ili trgovačkih knjiga ili isprava“ iz čl. 261. st. (2) KZ FBiH, „Krivtvođenje službene isprave“ iz člana 389. stav (2) u vezi stava (1) KZ FBiH i „Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje“ iz čl. 262. st. (2) KZ RS; a pod **tačkom 2.** krivična djela „Zloupotreba položaja ili ovlaštenja“ iz člana 383. stav (3) u vezi sa stavom (1) KZFBiH, „Krivtvođenje službene isprave“ iz člana 389. stav (2) u vezi stava (1) KZ FBiH i „Pranje novca“ iz člana 209. stav (3) u vezi sa stavom (1) KZBiH, a sve u vezi sa čl. 53. KZ BiH (sticaj);

Fikret Hodžić – pod **tačkom 1.** počinio krivično djelo „Udruživanje radi činjenja krivičnih djela“ iz člana 249. stav (2) KZBiH, u vezi sa krivičnim djelima „Zloupotreba položaja ili ovlaštenja“ iz člana 383. stav (3) u vezi sa stavom (1) KZFBiH, „Primanje nagrade ili drugog oblika koristi za trgovinu uticajem“ iz člana 219. stav (3) u vezi stava (2) KZBiH, „Pranje novca“ iz člana 209. stav (3) u vezi sa stavom (1) KZBiH, „Krivtvođenje ili uništenje poslovnih ili trgovačkih knjiga ili isprava“ iz čl. 261. st. (2) KZ FBiH, „Krivtvođenje službene isprave“ iz člana 389. stav (2) u vezi stava (1) KZ FBiH i „Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje“ iz čl. 262. st. (2) KZ RS; a pod **tačkom 2.** krivična djela „Pranje novca“ iz člana 209. stav (3) u vezi sa stavom (1) KZBiH, „Krivtvođenje ili uništenje

poslovnih ili trgovačkih knjiga ili isprava“ iz čl. 261. st. (2) KZ FBiH i „Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje“ iz čl. 262. st. (2) KZ RS, a sve u vezi sa čl. 53. KZ BiH (sticaj);

„F. H. Srebrena malina“ d.o.o. Srebrenica - „Udruživanje radi činjenja krivičnih djela“ iz člana 249. stav (2) KZBiH, u vezi sa krivičnim djelima „Zloupotreba položaja ili ovlaštenja“ iz člana 383. stav (3) u vezi sa stavom (1) KZFBiH, „Primanje nagrade ili drugog oblika koristi za trgovinu uticaje“ iz člana 219. stav (3) u vezi stava (2) KZBiH, „Pranje novca“ iz člana 209. stav (3) u vezi sa stavom (1) KZBiH, „Krivotvorenje ili uništenje poslovnih ili trgovačkih knjiga ili isprava“ iz čl. 261. st. (2) KZ FBiH, „Krivotvorenje službene isprave“ iz člana 389. stav (2) u vezi stava (1) KZ FBiH i „Povreda obaveze vođenja trgovačkih i poslovnih knjiga i sastavljanja finansijskih izvještaja i njihovo falsifikovanje ili uništavanje“ iz čl. 262. st. (2) KZ RS; u vezi sa krivičnim djelima „Pranje novca“ iz člana 209. stav (3) u vezi sa stavom (1) KZBiH a sve u vezi sa čl. 53. KZ BiH (sticaj);